

竹葉庵文集

竹葉庵文集卷二十九

詞五

吳縣 張埏 商言

林屋詞三

資青館懷亡詞三卷今刪打一卷

滿江紅

午日觀競渡

霞煥雲屯金鼓沸旌旗捷報從天降奪來花鳴錦標回櫂三日
聚糧一日費古人沈痛今人咲向青簾抓落玉搔頭靈符小
棚百子花開蚤菖九節根同好只佳人永設天荒地老蠡蚬無
情添宛轉龍蛇有恨迷清曉合薶娥碑下續招魂蒼江杪

浣溪紗

傷逝

紅燭幢幢夜氣清人閒何地限幽局闌干拍徧喚難膺便有

玉釵如隔世更無金盞訂來生嬌兒失母掌珠輕

珍珠簾

梅雨

開簾又見黃梅雨小林塘鳩婦多無情緒正好插秧田又遠山
疑算載酒移花頻問訊且只趁畫船歸去漁浦有出水雙鱗銀
鱗初煮無奈糝綠唬紅況今生負了傷心儔侶成佛與生天
也忒無憑據夜夜背鐙曾獨坐側耳徧簾窻廊廡何苦俟好寢
將成驚回庭樹

征部樂

諸葛鍋

并引

鍋若鼓形耳環爛脫圍二尺餘出諸土中有甕有甕見風而散
俗謂諸葛鍋是武侯行軍物今以代臍餅

羨君名士呵叱八陣風雲袞魚復沙閒隱隱增減有虞翊孫臏
憑誰去春鉏墾恰點點土花紅襯試宛轉聽入其中殺氣隆隆
火泉噴 攜來艸閣烏皮位置銅雀研邊休近又那得清風涼
月彩鸞軒裏低插花枝穩永安難問況夏是劒門州郡略似他
大小雙喬玉顏灰燼

蜨戀花

樓下

樓下芭蕉樓上笛繡闌香球生外三季拆落月依依風瑟瑟惺
忪蝙蝠牆頭立 檣檣停來山館黑那有絲絲熱氣親呼吸小
膽孤眠猶惻惻今朝況去閻羅側

虞美人

雜詞二首

蛾眉淡雅眞知已
閨閣清言異夜香
臺上手頻招環珮
天風颭落翠雲翹
別時梅子青如豆
人去櫻桃瘦
花枝顚顚掩曉痕
輪著他年哭我夏何人

美人綽約成千古
寒食墳頭土花枝
三五月幢幢疑是羅衣未
解背銀釭
知君自有眞妃伴
步步文簫遠
碧山如畫試重尋
洞口青猿數个綠蘿陰

鷓鴣天

自題悼亡詞後

野獺跳噪憎醜魑

紀六月十七夜所聞

洞房幽翠黯羅衣
挽君直仿花閒集

詠我偏無柳下妻
君不見雉朝飛
城頭況有夜烏啼
刀環已負臨行約
玉鏡今爲墮淚碑

洞仙歌

悼亡日近月楫雜詞十六首

鄉園猶是記郵籤之一漁跳菰蒲水邊驛悄江山似癡簫鼓無
聲空半夜涼雨鳴榔偷滴當季連理樹別淚陽關裏紅巾
暗相裏橋下木蘭舟橋上行人禁不起城頭颶策到得我今朝
已無家便露宿宵征亦何珍惜

泊虎邱

扶犁叱犢見斜陽明嫵艸舍玲瓏傍江住習竹弓射鴨鐵柄叉
魚爭撒手驚起圓沙拳鷺白茅供客釀紫莧紅菱蔬甲槃辛
可延佇此地欲栖遲幫布田中誰覓个鮑恢寄語遇好景良辰
哭而歸況三十六陂花開無數

蕭然亭埃且看山消遣非酒船窗米家館咲才人卷軸也愛栢
中漪透處開了六朝酥煥箸書千古事誰拔金釵買酒長門
醉涂券縱有白頭吟放誕文君消受足幾季婉孌但太息回文

寶蓮波窮碧落黃泉寄書難見

覆酒行司馬相如集作

蘭溪估客壅黃泥搗致雪骨冰肌釀愁味有江南好事裝入紗
幘人未寢輒喚奈何天氣清風涼月夜汝姦當季親製櫻籃
摘花喜合配小龍團銀蒜流蘇遮護定玉簫音細已斷送他時
五湖船若酌酒招魂應來游戲

戴萊莉數盆貽陳氏妹船中花開詠之

江空夜黑痛外生相左明月懷中半宵墮與親攜纖手同卷羅
衣第一徧寢裏歡容對我倏乎知永別捧袂悲號枕席瑩瑩
碧花唾不忍遽揩乾整整斜斜恐一半是君淚顚問夏有何人
對牀喚喚語江郎這時醒麼

是夕寢中哭醒七月一日也

神奇土木運心花於掌似錦屏風萬千丈忽行來若癡坐欲成
癡消不起竹醉荷醺五兩歸時新月細院院羊鐙鐙下分明
理雙槳流水洞門深山鳴雲根惜輸與石鐘可撞約行樂與迎

北堂萱少玉臂雲鬟个儂陪傍

平山堂

爲人爲鹿我斷爲貞女
舂蠶三楹建鐘鼓現銖衣寶髻涼月清
淮常照見江上淩波夜步
蛾眉謠詠慣白鳥如蠅利喙傷人
畏行露秦鏡自分明至外方休瞞不得貞
淫千古試弭節臨風
躡金蚪痛一樣神仙婿鄉何處

露筋祠

其雨其雨在南山閭尾烏榜支頤看雲起
倏江迷禍福人試蛟
龍容不住皇恐灘頭牢檣
風波荼毒險外者常辭生者人閒
復何味所歎令名稀聞道遲遲憂沒世
猶慙君子若海上雞窠
富春秋頗不識不知彭殤兒戲

三秋之感指銀河清小水珮風袞獨微妙
訝未歡豫慘怕合成
離行博箇石爛海枯長保
周天占太史是客星多妬汝雙雙
一季巧私祝曝衣涼瓜果南樓會竹葉
金猊候曉彼懵懂仙人

太荒唐浪消受盟言不容偕老

七夕

船頭兄弟閒歌詩豪諷或是宵分薄寒中正豆花欲雨蕉葉疑
風難禁架天末藥鑪相共 關山離別久骨肉重逢半歲挑鐙
尚如癡聲色付空花顚顚欷歔惟欠者外生情重視奉母長齡
蚤歸耕樂白髮婆娑先人邱壠

萸芽蔣筍傍雲邨水壑豈畏人閒釣絲縛趁海鵲未汜江燕初
歸轉閃過一字橫成木杓 粉牆淡院靜白玉釵梁纖羽空明
響秋籀團扇小尖風掠亂雲鬟噴噴喚倩蒼孃來捉鬢金綫羅襦
施僧伽臘簇簇翻飛花枝一角

蜻蜓

儂家夫婿載襄陽估去長宿空房淚如雨慣彈傷喜鵲打殺靈
龜冤枉徧旗角東風無據 破門眞見面笑解羅裳不甚分明
背鐙語又報大船開火伴催人拋弄得半甜半苦願人壽如山

不差遲果如此相逢儘非虛度

船婦詞

泠泠潭水永百季清淑中有仙人飲如鞠鄙才人所養公主鳥

孫千古費薄命風塵一哭遺芳零幣怨生不求全外亦摧頽

付陵谷貧賤土饅頭蒼鼠青狐尋不出匊閒珠玉與重理冬青

墓門輒悵絕在芳華百身難贖

清風潭彭烈女墓在藤縣夏鎮輒創崩壞出二十千重修之既與志銘復書此詞以代碑記

青山貞珉伴黃腸祕和劫火宣和受嘈雜聽瓊馱上已金暗陳

倉如補綴行院老僧破衲長暝緣底事歷歷珠襦黯黯魚燈

照封蠟綈素布芳猷輦秩儀刑初無奈沈憂奄溢便居士長鯨

仿王維永一縷真香也難酬答

書汝南公主墓銘宋拓殘本一百六字後綈素三句用銘中語

同心粉院種名花低亞中坐瑤姬碧闌下偶麋丸犀鎮卷石幽

篁排遣彼季布紅妝未嫁輪伊金石錄夫婦顯名彩印靈璽

辨真假桃葉渡頭人煙樹朦朧誰拾取六朝羅帕握三尺漁竿

入秦淮只燕子斜陽又飛來也

韻屬湘蘭竹石

舫齋曉起雜秋聲兩岸定子明霞抹平遠市瀟甜似蜜魚白如
銀禁不住當會向隅長歎 去年八九月欲約歸期十樣蠻箋
淚痕滿叢桂小山劫今日江南非肯度鐙球釵扇恐重訂來生
玉簫緣整金犢車迎人民先換

歸月

踏莎行

宋詞鈔本十數種予初婚蔣氏細君以小金鳳釵易諸
隣媼者也偶攬其卷心腸摧痛顚踏莎行

下界無才上清有錄美人鶴背消搖去酒榼荷葉閱桑田昭華
小瑄無尋處 何必古人誰爲作者情多合受泥犁苦熏鑪玉
枕夜傷情水仙花下聽春雨

甘艸子

尚記

紅白尚記飛瓊背鄉花梢立寶扇趕黃蠶銀甲挑青蠶 今歲
有花銅餅泣只王珣淒涼遺宅小小黿龜繡衣褶月下君顏色
雨中花

紅紫殷襪俄遭風雨繽紛狼藉短命不祥鄉花拭淚而
已

銀蒜金鈴無人唱挽歌相送紫玉成煙綠珠積恨平地爲青
芻 斷雨亂雲思舊寢何處洛陽新種誓結願來生爾花我葉
日向懷中捧

賀新郎

游天平山白雲泉是夜宿上沙婦家園亭憶與婦來此
已八季矣

石髮參差卷迸寒崖千季乳竇犀刀人崩界破山青花白好輕
汜鱗鱗魚眼添波浪人間不淺月冷水仙思帝子恐彈成寡女
絲中繭意苦詔商颿轉重於老屋尋蝸篆感浮生乾坤艸閣
頗容舒展何事歡場彫器易棠圃春淡莫遣藿掩了門扉白版
故宅臨江誰屋主對謝公池館悲無限雪外吠淮南犬

滿江紅

夜坐是日立冬

漫說驚秋平白地把秋送去那知道思鄉庾信心如撞杵白酒
應同香糯熟黃花欲共霜螯煮沉風淩市販集長橋圍棚船名住
自三載京華路拋一切歡娛侶賸雅宜山下佳人淺土窗內
似無將有寢軒角欲密仍疎雨逐殘檠孤燄夜升沈江郎賦

鷓鴣天

自題悼亡詞二卷後

寒夜鈔詞百韻箋離魂去殼尚纏絲重圓已失盤龍鏡下鴨嘗
疑賣馬錢 悲骨肉去田園未尋棗脯祀嬋媛壻鄉風土疇如
昔綠慘紅舒不計年

竹葉庵文集卷三十

詞六

吳縣 張埴 商言

林屋詞四

以下榮寶詞十卷今刪存四卷

憶江南

餅花譜十二首

小引

伯兄岫雲先生癖嗜餅花凡所位置神明無方而大要順乎物性得於養生之旨爲多序次其語俾傳諸好事與張謙德餅花譜袁宏道餅史並傳焉

餅花器第一是銅瓷秦漢獸頭如九鼎汝哥磬口有軍持金玉偶參之

餅花地幽闌喜山房靠石闌邊停藥曰傍松風下置琴牀白紙乍黏窗

餅花九名歎總兼收湘竹匠心勝雅淡紫檀斷笄戒雕鏤宋棗
斷紋髹

瓶花理壺內養乾坤曉露循行槐蟻溼鮮香到鼻蜜蠶聞不斷
卽長春

餅花灑落翳漫狐疑能割愛時爲手段略姑容處畜生機四面
要相安

餅花瓠側出乃爲佳雜以生枯支岨彊去聲似乎風雨受欹斜老
筆補天媧

餅花趣燕意得清幽小折楊枝充佛供偶分山果避猿偷頗勝
列尊卣

餅花影三五月初圓待月吹鐙花似雪和花作去聲腰月如錢疥
壁粉痕鮮

餅花伴惡句要刪除市井孔方母闖入高僧美女可相於無客
讀奇書

餅花使園客或青衣新整竹符催調水不煩騾耳代藥梯佳種
訪隣扉

餅花備冬月易遭魔中糝疏黃防迸裂遠宜薪炭得溫和安樂
邵家窩

餅花忌薰燭十分傷櫻筍季光睂嗜酒黃昏院落少焚香神采
倍翱翔

憶王孫

題江孝廉歷下雜感詩後二首

峭華橋下水微波橋上行人望翠螺忍續江淹七字多滿爐蘿
月圓松紋細校摩

扁舟易服入菰蘆鼓角輟門星斗鑑十載淒涼舊酒壚客心孤
蛛網浮栢事有無乾隆癸酉夏秋之交每月上陪檜門先生易服泛舟大明湖或夜半乃還

如廢令

試香作

松菌一籬未埽雨後文窗窈窕略試海南沈認作花香更妙休
告休告聽汝山齋數繞

浣溪紗

臭鐵鼠

小引

生古牆穴閒長者能視次皆矇翳無目出而求食次銜長者屍
以行啾唧似爲告語其同產之義可感矣亦見異苑曰義鼠爲
賦浣溪紗詞

鳴聲啾唧顧同嚮古螯青苔聯尾招脊令原上慘蕭騷 伎倆

鹵方猶有歷聰明仲子不如蠮請君冷眼水堂坳

北園初見燕子

爾許平皋罨遠林石闌干外水淫淫布帘亂動古牆陰
元乙
來時春轉腳渥丹開後客關心無家況感別離深

電

虹腳垂垂一夕陰金蛇亂掣碧江潯開船打鼓溼無音
天若
戲爲青白眼人誰不具聖賢心古原燐火共升沈

鷓鴣天

邇以師友相繼彫逝六月十二日初暝坐紅欄書屋聽
雨恍似秋夜詠樂天秋風滿衫淚泉下故人多之詩益
無以爲懷乃書鷓鴣天詞

目有蟪蛄閉不成夜長如晝響颼颼未秋已作淒涼態半老難

勝故舊情 一點點一聲聲雨中竹樹亂寒鐙何季永息庵肯
住麥飯冬青學守塋

秋海棠

綽約頻酣卯酒時短垣繚曲敞書帷似無人處逢三妹絕可憐
生葬二妃 開不到海棠祠天涯白髮欲何之春來西蜀無奇
種夔府孤吟秋興詩

餅中殘菊

細雨尖風送菊天膽餅廿日對幽妍痿遲落朵能延壽老不拋
君畏隔季 人事苦憂煎恩讎原在片時閒貴曾燦若葡萄
錦賤則輕於榆莢錢

菊影

鏡裏煙中總不如一枝橫傍小窗初圍蔬秋鵲尋花課明月清

鐙共艸廬 頻顧影惜居諸金鍼不度繡工夫夜闌聽過蒲牢
吼倦客虞卿尚著書

玉樓春

李夫人墓

芙蓉薜荔生秋殿鎮日溼皇難自遣耶官執戟盡神仙偏是夫
人緣分淺 朝來戚畹驚傳偏銀鑊黃腸馱翠輦果然恩意重
山邱病裏那能不相見

南鄉子

幽館

幽館靜如秋檐外春鈴語未休酒醒月斜風欲緊颼颼便不畱
儂儂也畱 十里賣花樓新有鶯聲到帳鉤名士美人俱落寞
睂頭爲女重添一段愁

臨江仙

南池

池上小龕祠杜甫詩王塑像甫軒瀼幽風景憶頽垣江湖誰稷
契風雅報開元幕下何人能養士聞呼嚴挺之焉黃牛白酒
滌湘沅幾同鸚鵡外莫以海棠傳

子美別傳少時戴冠童子與一圓石金策
文曰詩王本在陳芳國九夜捫之麟象照

壁振扶桑享天福

行香子

浴佛日出游越二日將餞春矣

綠欲鬢鬢紅欲酣酣趁新晴浴佛隣庵繡幡之下羅帕金簪有
蟲蟲與燕燕語空男 睒蔗初含粉竹初揆送春歸不住江南
來朝便怕雨怒風愁寢中人江上樹我何堪

水調歌頭

虎邱

虎气在石壁壁上魯公書壁下幽宮明器乃是闔閭居何物魚
腸之劍左手挽人頭髮右手將髭須流血但五步怒與白虹俱
古人者不可作渺愁予花市陰晴不定紅入妓樓初一段春
江似酒七里鶯聲若癡雙槳送姑蘇已矣弗復道玉樹與金鳧
滿庭芳

取道虎邱餞者追角相送三十里明鐙置酒醉中書滿
庭芳詞贈別

宿霧連畦涼星壓市金閭亭下離人十季顚顚到此益銷魂絕
似明駝遠嫁戀昭陽一寸黃昏誰能穀當熊侍輦永巷亦承恩
河梁追送者玉蛆金竿無限殷勤對滄江爾許野鴨孤邨少
住乃爲佳耳夜如何殘癡同君來朝是沅波湘水兩地碧鱗鱗

漂母祠

古幔龍蛇雕甍燕雀靈祠尚枕河陰區區一飯豈是望黃金珍
重王孫此別漫功高鹵莽無心會多日登壇受印怨以假王淡
娥姁鐘室事夫人若狂泣定霑襟訝一般女子毒手難尋賸
得歌風臺上儘緣伊猛士沈吟城東翁兩家老母白髮語青林
水經注城東兩劍西者漂母翁東信母翁也

念奴嬌

玉虹樓上觀晚雅聽歌

元龍百尺把人閒得器賤於泥土一陣驚鳥栖又起折入秋煙
如雨頭白何曾霞紅相襯夜夜寒翎苦蕭蕭木葉山風四面韶
護何當送遠歸風尊角花落霜信蒙頭懼小部司坊徐問訊
也傍闔廬城住東閣郎君南樓老子俯仰爲今古難逢開口那

能舊錯重鑄

水龍吟

魯城東南六七里二石人一刻溼口樂安太守庶君口

口一刻府門之口字皆在紳下

魯城逶迤而南君何蒙面荆榛裏一崙拱者一僵側者三行顯
字誰與同傳汝陽墓壞千秋亭毀有風雨樵蘇摩刀鑿火聊搔
瘡翁之背 匊下金蠶千歲眩妖狐紅裙拖尾維公坐鎮不言
不咲老成如是頗訝銅人傷於哀樂尚能垂淚但季季冷眼梨
花寒食幾家供祭

西溪叢語後漢鄒南千秋亭石壇東有兩翁仲汝陽彭氏墓口石人見袁朴子又汴郡周氏墓用石人自稱石押衙見洞微志

桂枝香

偶詠所見桂花

京華軟道憶國色天香蟠根殊妙

謂桂郎也

萬事多隨流水落英誰

掃今朝淡巷燕支井界青溪竹門斜靠兔兒無伴小山有主昔
年風貌 問一向青衣厮鬧尚豆蔻氤氲丁香雛小第宅連雲
何在晚雅空臬琵琶亭下銷魂句半春秋鶴語難曉不如歸去
蕭蕭暮雨錦衾孤裊

花犯

顯石巢四種傳奇

是無雙清游玉樹南朝阮司馬秣陵鐙夜記北院空春呼部頭
者亂花小輦扶人下舁來春綵謝又不道溼仙秦火闌珊卹酒
社 陰符黃石爾何如同文獨起獄寧遭人罵羅織徧江南北
此何心也桃根外一江細雨畱三兩黃鸝鳴水榭尚似說盡堂
簾卷烏絲膽彙罷

羅萬象疏曰輔臣以大鉞爲知兵恐燕子箋春鐙謎未必枕上之
陰符而懷中之黃石也

南浦

上元甫一夕寄懷孔莊谷

春鐙夜市正今宵風月滿朱門徧感故人何處檐鐸最難聞我
尚不勝殘醉料孤兒溢米豈能吞對竹杠銘主祭餘槃榻影像
似三分原是長身十丈幾旁枝側睨到成人已得才如嚴勝
天意亦憐君它日自顓阡表養孱軀結撰古今文判从生離合
斗杓南北此黃昏

沁園春

哭盛雲思秀才

曉心

天不愛才奇字古文一棺野蒿如齒貝南金或緣沾禍鳳皇芝
艸有以爲妖天下公言斯人俎卷風雅江東應寂寥又豈止是
友朋私誼太息號咷山川城郭刁騷半感舊中季見二毛記
秋水芙蓉同尋僧寺微雲河漢獨弄瓊簫君說予癡予言君癖

能幾平生論久要今日者痛肺肝火烙拉雜摧燒

十二月廿四日作愛莊谷換巢燕燕春廐花洲之句并
足成之

春雨如絲山城似掌欲薦辛槃正家園送竈松毛鬻豆嬌兒放
學骰子陞官蛭腹生涯蟲脅伎倆逆旅風光去住難拌鑪火把
讀書雙眼鍊得成丹中乖顛倒悲歡便闌入歡場興已闌說
換巢燕燕花洲寢杳同行駉駉盟語香寒吾竟悠悠歲將并并
殘景猶餘六日看惺忪醉值馬周身虫洗腳三歎

賀新郎

閏五月十五夜扶病待月莊谷乃爲置酒風景妍淨喜
成此詞

雨洗林中暑敞今宵露華清泣冰輪漫吐絕似美人遲見客羞

徑盈盈睂嬾漸照到此閒廊廡何處斜飛新蝙蝠齧荒城一帶
靈光礎礎之上月千古古來今往真無數只餘它青天碧海
星星寒兔客有長裾蒙項者其貌將母病虎戀好景喁喁爾汝
同此明鏡同此酒拌百季不睡由它去卻誰是大槐侶

莊谷招同江睂居程臨川朱育泉三孝廉游柳莊程爲
繪圖錄此詞於上

客出東門者魯城頭荒荒落日平林如赭泗水湯湯流不盡繞
我襟裾而下坐古廟牆根閒語咲倒南朝三百寺又幾曾改逼
泥神嫁紛一派淫祠假土地祠有二妃一在州都者里人嫌之不還空濛隔岸樓臺瓦待

重來須逢三月梨花盈社漠漠鷺鷥三四點疑是白衣人也只
送酒今番可罷對酒懷人尤慘憾六季甫周昉謂依堂詩中畫大

堤女紅衫馬

紇那曲

還魂記院本

花月傳圖史江山豔綺羅趙春同未久一樣是人痴

南歌子

春歸

春在猶如此春歸越可憐
穠陰顰蹙晚風甫暢好櫻桃
天氣重添絲
艸浮於黛餘禽脆若絃
山城柳絮誤華年
聞說玉堂清敞會神仙
初知蔣心餘王廉謨畢秋帆趙雲松宋舜音諸君入聞

南鄉子

春夜二首

遠夜鎚運送花風在海棠根
朏月遲人涼益噉簾底短脰如鳬
寬韞係

月欲將中星光不讓露豐隆花滿良宵門上鎖山城邈只此書窗猶畜火

向與陳氏妹婿消夏一泉被髮濯足酒脯具於溪柳之間久乃漸迷其處六季重到識爲達泉也

喬木十圍森影亂魚蝦散遠襟萬事已隨流水去浮沈神漢椒蘭不可尋老我鬢華侵燕惹疎簪響乳禽野菜正長春廢短登臨倚劒消摩志士心

顏氏樂園有林良一碑艸書生動

丁子岸頭肥黿蟻季季長故衣滿眼虛堂迷積翠南皮羣從風流竟屬誰我向摸殘碑景物肖朝舊指揮何似花翎涂水墨威蕤寫出雲荒雨瘳時

醉太平

慎言銘

文多弗勝訓多弗行聚水多注則傾乃終羸其餅 雷以時鳴
風以時應君子攄鑒羣情貯有餘之聲

浣溪沙

賈

柳鬢春飭未漸揆女兒挑菜古城南野蕙同品髮鬢鬢 開到

蓮花心更苦羸來官職綬仍藍不堪劉易獨清饒

楓窗小牖子邸寓山中惟野蕙苦賈

紅米作炊明史景宏治八年二月賈菜生蓮花晉書賈菜生吳平家授平慮郎青綬銀印邵伯溫間見用錄劉易從狄武襄帥平涼嗜苦馬菜不得即叫怒欲求之內地日灼之易不能堪方設常餼今京師猶名苦賈為苦馬菜

苜蓿

關外蒲萄霜後稀關中苜蓿雨後肥吾家園已不常窺 老馬

自憐如故土冷官何事感朝飢十季華廡欲何依

述異記張翥苜蓿園在洛中

眼兒嬌

蝙蝠

佳人北斗翠睂高掠過見星杓夜淡悄靜松釵半墮竹粉全嬌
洞中誰覓長生術仙乳亦虛囂也曾記得遲穿紅綫繡汝紅
蕉

河傳

勺藥

盡岸成堰園林首夏此花冠冕不知何意慣翻階信乖十季歡
不諧黃圖三輔誰人記豐臺底不會女兒意酒傾螺墨臨醵
誰多晚煙籠短坡

科斗

淺沙晴碧一蘆臨岸鱗鱗如墨文章妙處在空靈難識蘸它煙

水力 落花時候江頭檻兒童
喊捉弄波心湛勢瀾瀾何所思
非龜可憐曳尾時

豆莢

畦畔煙綻豆花邨常慰貧家蚤
爨海田覬經羅子孫莊門老人
扶杖論不道隣家兄弟痿頻打
豆爭徧南山畝地難肥花不齊
豆稀可憐行樂誰

櫻桃

幾番花陣美人脂吻瑛槃先進
付丸丸明潤一鷗紅攔青山畱
盡本當筵比作玲瓏豆籠香裏
銀甲翻新繡雨瀟瀟風不饒
芭蕉江天破寂寥

楊花

陌上吹向不知何巷淚盡離人
花飄故國猶有一段殘魂傷高

門 翠睂歌斷如何可難安
安欲墮無由墮花開若此長願禿
盡天涯不開花

青梅

一庭晴霧一池涼雨青青可數
弄珠樓上好女摘與含酸歌白
紵 當年曾記離南浦長橋處
小壁梅仁語盼郎音熟如金休
禁烏梅更此心

南人以薄倖者爲烏梅心

踏莎行

雨夜

念母茅容思鄉庾信可憐腰鬢
今如許一窗紅燭雨迷離寢魂
似傷瀟湘住 幽館同聽高樓誰
凭繡襦甲帳仙乎去誦經流
麥記從堦棗花休問東家樹

水調歌頭

蚓

緊爾開戶牖任竅若呼號不有龍雲蛇霧無可怨媒勞堂是伯
夷之築堂上於陵仲子堂下汝和螭旁有辟纁女睂月與雙高
維子者倫理內值秋豪掘地及泉相見肯爲鄭莊招僂約布
衣兄弟同聽田家歌吹百舌漫啾嘈煙雨石梁外市散豆棚梢
韓非子雲龍霧齊而龍蛇與螭螭同矣朝野僉戴百舌春鳴夏止唯食蚯蚓

八歸

明御史郭本墓

春鉏遶削隆然而起堂斧約畧君穴閒花每傍墳頭覆還似繡
衣槐版昔乖雞舌此日龐公誰上菊況滿眼風流賢哲賸一帶
流水殘鷗拍拍占飛雪常念三季結屋摧頽風雨畚鍤猶無
門闌鄭公鄉裏習家池上等是斜陽明滅只幽宮寸土與我周

旋尚親熱碑陰處紙鳶初斷拍手兒童迷藏爭瞥躡郭有結屋詩屋蓋三季而不能成者

瑞龍吟

嬉春詞三首

春陽路全狂一段煙溪二分雲塢睂圖濃到天然暈朱灼黛霏
霏乍午躡蹤去常愛欲斜仍正傍花門戶鱗鱗鳴綠波心魚
香餌釣人閒受渡應感湖山畱贈暝風熏得冠巾無主勞費
萬千黃金青鬢誰駐佳人皓月何必乾坤妒多因是榮枯繫念
歡娛艱阻覓得閒茶脯埽花紫帶催花擔鼓除算風和雨尋我
者華茵蕪辭同處偶然點綴亂禽栖樹

韶光悵君念往哲風流日沈軒彩河陽金谷而今短蒿到地長
鯨入海亦何害逢有好花能折滿頭先戴高樓正卷珠簾雨

聲一夜街頭又賣 何事花搖頻翳繡牀人靜東風無賴曾憶
鬱金裙拖歌妙難再千紅萬紫描出春心大春闌矣鷄鳴犬吠
天台之外錯捻羅衣帶五更斷簾鐙球舊綵人去鶯聲在還檢
點塵寰花宮天界漫遭野麝觸根熏敗

嬉春限來了海上胡尋萬花將半江南交錯陰晴蠕蠕度古初
生曲館 盡橋版長向綠雲堆處吐紅吞茜季季錦瑟無心鶯
鷯欲別蟲蟲又換 剛是波光依榭弄珠天气風清人健長晝
似聽呼茶聲度花幔緣誰觸忤無事滋長歎青春在瓜頭薏尾
光明燿粲且約櫻桃讌上尊酒底金甌莫騙且整琉璃硯將陌
上金丸圖成紈扇也無感慨也無羈絆

多麗

七姬廟

有序

七姬者張士誠女夫潘元紹之姬程翟徐羅卞彭段七人城下而絕亢自殉者也張羽爲傳宋克書碣藏弔中里人祠之同時楊維禎有金槃美人詩蓋潘先以醉殺好伎蘇畱其首金槃獻客此其淫毒與張獻忠斷王月頭饗羣賊無異而楊慎跋七姬帖徵引高啟詞遂謂七人未必願以身殉潘逼其授命焉陳基詩序有曰七妾青秊絕色譜纂組歌詞因潘出軍恐致疑皆自經則七人之願殉無疑夫古人已成之節作者增其幽徽良史弗爲也大軍旣臨平江張妻劉驅羣妾燼之齊雲樓上亦自縊則與引璽書官屬生降者有閒故亦牽連及之以表之也

錦帆明水香浣出幽貞是誰家女郎祠宇龍蛇猶動雕甍捧金槃府中舊宴歌玉樹江上殘兵袁紹無謀隗囂就困可憐不願美人生有何限風雲奇氣戰鼓伴威靈戔戔貌燕支化鐵翡翠

成冰 卻慙恩昇來藁葬重勞幼婦碑銘柳垂垂墓田香火花
漠漠繡字庵經亂也夫妻不如雞犬泥涂婦面也難行尚分別
姬姜恩怨嚙語幾時醒誰省井齊雲樓上火爆春星

竹葉庵文集卷三十

竹葉庵文集卷三十一

吳縣

張氏商言

前七

林屋詞五

江南春

玉虹樓臨扇相貽

牽艾綠破榴紅消閒觀響揭清暑迓方空兩季未寫吳菱帖忽
遇長洲水殿風

太平時

陶宏景

羽蓋車書絡繹多到山阿麝麝驚竄入雲窩掩松蘿 偶誤昭
陽官殿句自長歌符鈴佩錄柰君何亦人痾

醉公子

月中隣笛

千里金繩冷雲氣升東井獨立怨柯亭隣家第一聲
二更山吐月破鏡飛林樾小已喜看伊歡娛漸失期

贊浦子

黃帝見廣成子

无上崆峒貴潛通紫府元鼎以雲霞合龍因風雨還
自在萬靈効召消搖百福駢蕃獨受長生祕而爲天下先

堯登壇受圖

袞服山河影璇圖日月明五嶽浮金字千官拱玉繩
冀茨遲司晝漏杏花蚤識春耕景貺高黃屋榮光集紫庭

舜舜千戚

白臧光華正朱千聖武恢有德麾如雨無私運若雷
已使有

苗貢服漫容大麓驚厖一曲南薰殿三星帝子媒

禹渡江

飢溺回人命魚龍答聖慈吟嘯風波定憂勞天地知 篤錫元

圭有慶乘流黃蓋無私盛德能馴者他時一御之

博物志夏德之盛二龍降之禹使范

成光御之以行

湯解祝網

庶族皆聾聵先知獨感吁燭處天心見悠然物命蘇 不殺根

子仁政求生擇汝夷途首握菩提鏡長明暗室珠

文王見呂尚

二老開周室斯人遇渭陽旌旆何瀟洒溪山益渺茫 維吾太

公望子爾其俾壽而臧受餌風雲會遺鉤歲月荒

二老兼指鬻子見文王季九十也

武丁迎傅說

版築驚疑日阿衡輔弼季資格非三代騰鸞上九天
筮得建侯之卦春於巖谷之間佐命應難得勞生亦可憐

成王刻桐葉封虞

最汝唐侯地嘉哉史佚辭漫有封桐辨何如煮豆詩
玉帛布昭典命功勳崇兆丕基弟遠汾河雁秋淡霜葉圭

漢高祖置酒沛宮

垂老功臣別當歌曲讌逢今日招諸父高臺正大風
三尺劒橫天下百季人憶新豐游子多鄉思天涯繞故宮

漢武帝聚書

闕下蘭臺令中朝博士階東帛徵遺獻飛灰出異才
鐘鼓聲聞藏室文書山積奎台甲觀圍神聖金泥印艸萊

月下留月竈

司空表聖以此句眞仙之詩戲效爲之

月下留月竈風角露石華坡暝多馴鹿江空出臥查
玉女漫貽雜佩金仙自酌流霞六鑿人如市三山路有涯

照水

十畝芳塘合連朝寶屨頻淥水原無主紅妝若有神
拂黛紆餘淺芷流月繁鶯長綸妾似潮多信耶嫌汝易渾

折花

豆蔻當三月芙蓉歷九秋好婦辜芳思胡蠡入畫樓
玉帶午寬圖廢金鑊夕黯生愁惜汝歡同命招君託並頭

搖扇

蘭蕙光風滿中央水殿涼舉障如明月含噓感寸心
漠漠幃幙壁帶蕭蕭星漢羅衾未誦潘尼賦先輸丁緩金

正釵

眾女三千忌雕工十萬多布髮隨升降勞心蕭琢摩秦月細
窺元蟬燕雲灼注修螺墮後猶聞咲敲殘不耐歌

浣谿紗

同閨人絳跗玩月

穆穆金波樹底明凍雪不見夜寒輕江山如此一帷鐙憐汝
清輝匪遠別及今芳歲足平生那勞飛度到裊瀾時絳跗有飛游神
度之語

飲酒十首

夜詠淵明飲酒詩雨聲入牕燭光奇藥車鼠穴少人知學鍛
未能无悔客種瓜何以答栖遲客來但訪習家池

奉母鄉園樂事多攤書曬藥集庭柯優游吾道付羣囚偶賃
北田供稅鶴戲涂酒券未輸駢春光如此艸堂何

暮雨蕭蕭凍樹根長貧長不廢鬪尊咲他杯酒殺三人醒不

求名維此老醉無失業是天民彈琴清嘯比蘇門

滄海明珠不可尋七季并日劇傷心銜栢獨自意沈沈 鬼蜮

莫勝寒食雨山花長似美人簪也曾同醉一樓深

賜酺端門正玉衡看鐙瓦務敞金繩風光第一數仙京 壁挂

黃羊分驛使蔣文恪公泥封滄酒勸門生金樞先生山邱零落半公卿

溪北溪南共一山山南山北有雙鵬一尊浮動水雲寬 頭白

自還天地質汗青不出是非關何勞對酒目沈瀾

小婦含姿最敏便繙書時復理香荃琅琅清句麗而圓 相守

可能三萬日爲歡休惜十千錢春醒不解若飛煙

墮地無非憂患叢教人怎不飲千鍾江山如此送飛鴻 酒市

十季仍旖旎歌樓一夕長蒿蓬恩讎冰炭總成空

名士東南逐綺羅江干車馬漫相過可憐風雅屬誰多 舊雨

荒荒秋後燕新醅盎盎色中醜但消一石足婆娑
僧寺容分節物嘗伊蒲餽歲雨花香欣然而後具壺觴
菜把略能供賦稅猪肝幸不到門牆懽騰對客亦何傷

土窯

同穴偏無鳥鼠爭略編枳棘界中庭一家兒女土窯鐙
泉乳漸防空裏滴山花常傍洞邊生幾多人在屋頭耕

太原道中

鹽鐵空傳貨殖書鹽池稍淡鐵山枯斯民生計愧樵蘇
十里圓聲如鸛鶴半林秋葉賽芙蓉且將幽景惜徐徐

偶詠殘鐙

淡紫淡青一穗中十分幽閣障金蟲羅衣欲解畏微風
燄惜無多今夜別油煎不斷故情濃半隨春癭入巫峯

壽陽縣有曉月橋

曉月橋邊幾度尋團團欲向馬頭沈羽巾初墊露華侵南浦
馬頭惟有月團圓
曉愈壽陽縣詩也

采桑子

觀楊忠愍公遺屬墨迹

少季偶讀王章傳清淚盈眸閨閣持籌曾約田園歸去休先

人封事同時上急湍孤角霜木高秋談虎而今色變不先莊僞公
勅嵩父子

見明史本傳

武清縣

九十平聲九澱知何處風色初渾雲氣初昏直趁盤雕下海門

我來獨過黃花店花盡空邨酒冷空尊繫馬婆娑秋樹根

菩薩蠻

亡婦三十生忌二首

長筵同是稱三十翠翹雲襪空悽悵九月月華遮一枝寒露花
阿侯犀玉賽對客勝衣拜誰埒錦鱗書泉臺問起居

兩季覓得桃根地白華代汝殷勤意指點舊時人添香說苦辛
青山如畫障多謝銘幽壙一字子三緘可憐積恨絨

謝靈運編修
作權厝志

被酒藥月有聲自短垣出者是吳中人彈詞徙倚久立
無以爲懷

根根隣院三絃子涼飆又送愁人耳新月入睂圓高樓正見無
北堂供藥膳賴汝支撐慣薄醉不如休梧桐竟夜秋

喜團圓

今季看花輒雨顚資青館壁

風風雨雨人閒何處能駐芳華季季畫楫橫官渡指流水如蛇

今季又是送春將近手漫頻又不如意事十常八九豈但看花

柳梢青

銘秦坑

曰秦之帝乃坑儒者以儒爲厲爲厲有諸亦坑其國亦坑其子坑儒者又焚書曰書在儒其不外坑者重蘇而不蘇者曰秦之帝

入塞

陰涼崖

鎮重荒倚元陰大谷藏有將軍印綬鳥道走鹵羌千里長萬里長健兒看調宛馬良數十人支戟夜防中原圖畫對方牀風又涼雨又涼

浪淘沙

詠雙子蓮房

煙水對雙棲圓葉東
鹵花開十丈女兒磯
三十六陂都檢到
結撰偏奇
河漢指秋期
手把封題此中並沒二心兒
一種憐伊
憐不盡兩種憐伊

鷓鴣天

雪中沈歸愚先生過訪竹葉庵詢問近況

筴短龜長頗自訶
十季生計蒼庭柯
樊通病髻瓏璵亞蘇
季寒裘紉縲多
其如此歲殘何
高天夜夜響駕馱雪中青史平
冤獄蘭蕙同心不可磨

時與先生論鄭鄭獄事最詳

夜集紅欄書屋

千里心旌特地搖
斗牛回首數星杓
朱門落拓誰屠狗
白髮淒

涼又做貂 新竹粉舊書巢 轆轤行徑感周遭 栖禽翻盡人初
醉一夜鐙花手重敲

贈相士傅山人

玉管通神信可求 垂簾花雨石幢浮 漫因富貴誇唐舉 且耐淒
涼說馬周 水作鏡芥爲角繩牀藥竈倦相投 門前車馬春明
路不及山人事事幽

南鄉子

洗腳

炷夜燭光適聽雨 關門事事幽 鳬鶴短長隨位置 何求都付餘
生不語鳩 結譌對滄洲 煙景應爭第一流 敗事失財皆有命
誰尤 攀幔山花入枕浮

澄江冬至夜懷絳尉

佳節耐黃昏分得槃餐東道恩此地荒江修竹夜冰魂香後如
子意吐吞 戰屢代庖人金嶺遙傳樺燭痕柔荔芳芸都見了
難論初九消寒遲向晨

一斛珠

息夫人

美人婚媾可憐破碎山河後東風反舌能長久土木形骸也是
君消受 良夜三星低戶牖丁香結子垂垂瘦千季奇事如何
又初別扶風涼武昭王后

東坡引

對雨

攤書人事懶雲氣滃牆簾東鹵溝水多添滿潺潺流一半潺潺
流一半 山亭露髻荷花界堰記舊宅煙波遠闔閭城下鳴榔

便白魚明日賤白魚明日賤

臨江仙

雨中憶鹵湖

煙樹廣庭七里霧瀟湘十畝霏霏隔窗燈火誦聲微竹溪蠅蜓
走菌長鶉鴝飛此日段橋風景別菰蘆柔廬相期荒城不報
汝南雞花明蘇小路雨暗岳王碑

寒食

十載曾爲人後也乞歸承祀先公平情會禮得其中暑如皇甫
謐不悖叔孫通靡霍高原迎柳嬰竊堂手識幽封枯魚銜索
斷無蹤一番寒食雨幾度紙錢風

散天花

黃侍中夫人翁氏血影石

蕙帳芝龕怨未終可憐猶側睨一函封淡雲細雨吐睂峯似畱
妝鏡在越玲瓏 羅剎江頭萬慮空風波難見面響魚龍乾坤
靈寶妙何窮清風崖上石句同工

東園客談至元十三季臨海婦王氏畱血觀詩清風巖崖石上題節外石上血字墳起

蜨戀花

灌瓜舖聞蟬

一任冠綬容碧樹山店谿橋偏是句畱處叫到無聲聲更苦絲
兒橫閣斜陽住 何日東門眞隱去五色瓜田不管哀蟬句便
擬艸堂閒酒鼓尋來老友同聽汝

四園竹

艸堂鹵偏一曰王尚書 心一園一曰王駙馬園王駙馬

者張士誠之女夫也尚書園二十季庠先君假以譙客
今頽廢已甚駙馬園今蔣氏葉氏各分其半子居向爲

朱旗鼓宅朱旗鼓者士誠行軍蕭擊鼓之吏也家傳多

古器曾及見所遺鞶帶二枚云

名園比櫛喜在艸堂偏玉人舞破金谷宅移誰後誰先花信風
吹不斷頭名盡扁葉書蟲字如錢漫相憐金張印綬參差風
流一代華筵那及山人脫粟鑪火空明鶴鶴同暝尋甌甌取次
與陽秋著意編

一叢花

問窗角花信

芳叢消息蚤風角錦瑟占華季輕陰變變濃於墨未曾將螺黛
描全應似美人今春欲嫁心事兩眉閒橫塘二月踏青便可
惜紙鷺天天涯客思紛如醉破工夫先扇花旛殘燭夜淡新詞
幾疊合作定情箋

時有客度子新制院本

廢玉人引

顧錢穀爲董姬畫容寄汪太學刪子

薛壽魚所藏

在當時是你愛我我憐伊二月橫塘送行春鵲初肥寄幅睂圖
比錦書紅豆淋漓破鏡上天漫溝水東鹵斷箏殘瑄昆明劫
文獻總傳疑水墨空濛寶光猶駐靈妃入癡桃花影生天峽蜨
衣極蒼莽舊崔徽一段香期

江城梅花引

將秋病夜益以離思書贈荏谷

秋花秋月兩無情未飄零欲飄零獨夜一行青史病中鐙七載
筠廊原是客遲明日又王孫送遠坳遠坳斷橋橫石樣
硯水樣清忍也忍也忍不住香艸孤生料得人閒王貢免青蠅
展轉爲君頭白盡頭白也試鹵風苑外箏

滿江紅

黃河

自入中原鱗次將坤乾齧齧滔滔者誰其日下會於溟渤一髮
播遷行萬里大江夾輔迴雙闕歎薄之甯是不曾聞防河說
疽養處爲門闔疔贅處滋轆轤聽中流起鼓兵民結筏穿塹朝
誅蝥螻走巡秋夜報鼃鼃活空阿膠燕以計蒼生心搖扞

念奴嬌

貽荭谷

并引

筠廊夜雨舊事七季昨歲秋中有紅欄樂府倡和偶吟元相七
季浮世皆經眼八月閒宵忽並牀之句如爲我兩人寫照也
先民有述記所經桑下曾無三宿又向欄庭畱十日人與飛鴻
同速八月閒宵七季浮世白髮明於鑒青裳月暗涼風初動欄

曲 極憐疎簾清簾氈毳倦難鉛淚如殘燭當代麒麟偏有植
或是賣珠之積名士陽秋蕤賓方響誤入吳船錄天涯兄弟黯
然其君與僕

渡江雲

河西務明徐達敗元兵處也

潞河衣帶水平疇似掌煙艸半糝餬也曾經戰馬疾卷殘檜落
葉比頭顱中原料量扼咽喉便是雄區須認識通州門戶直接
到長蘆 荒蕪雞鳴埭下褰鄂弓刀偃月青千古尚兀有英風
颯颯繡鎧金符將軍不信從天降到紅羅猶自驚呼成敗處滄
桑地里黃圖

月當廳

家母信來九月十五日閨人一索得男翼日又得填京

兆捷音因成此詩不自知悲從中來也

九月九日顓餽罷泥金捷字初報萱堂恰好合家湯餅又開蘭
房門戶近今冷淡似黃花晚節占清光可知道南皮賓客一并
傳觴 兒時放學歸來俟記先君點鐙高坐胡牀課取讀殘書
本棗栗分行今日九原不能見怎禁清淚獨浪浪憐薄命關心
更有七載糟糠

水龍吟

白蓮

海珠有淚無波鹵風漸老銀塘滿將開欲墜無人能見沙明十
畝壁月瓊枝一江青嶂遮他不覓記寒山寺近小橋長版難同
汝尋秋走 去歲黃姑瓜酒正吟成想夫憐就蠶頭蠶尾神光
離合白描孤秀誰把長繩夕陽繫住水天清皺似香鑪腳底艸

堂白傳定懷元九

吳中有白蓮橋白居易香鑪峯下新置艸堂詩何以洗我眼砌下生白蓮子湖石矣莊谷折白蓮爲供故詞云云

南浦

爲施耦堂同季題畫二首

當季戴進畫秋江垂釣著紅衣之子滄波奇服漁父諧扁期裘
點五湖淡處似殘霞一片古今飛與白鷗三四不拘濃淡總是
有光輝太息有心曲直問敲鍼稚子欲何爲悞盡人閒香餌
魴鯉不勝悲此去荻花蕭颯恐魚龍夜市亦淒其勸酒酣長笛
避它風雪正淋漓

右紅表釣師圖

蔬圃是家風把豆棚粗粗料理如許莊北與莊南黃昏後真好
碧天如乳新涼小扇幾人團坐花淡處不拘禮數同了髻長裙
約來三五無妨小說虞初慣敷衍荒唐按神談虎語到興酣
時陳林角何事欲沈河鼓瓜田菜菔去聲幾家兄弟同門戶夜深

且公剛趁个流螢溪橋歸路

右豆棚閒語圖

一萼紅

二君詠二首

有序

二君詠者謂東方朔管輅也婦人豎子皆以神仙占應多之然
漢武之世帝卜急喜功江充獄興儲副不保而主父嚴賈之儔
駢首可哀魏晉之交人命荼苦甚於沸爛文士若孔融盛憲方
伎若華佗于吉者皆以膏自燒以香自消耳之二君處明而不
盈居戾而安知幾其神既明且哲非藏往知來者與朔之言曰
苟能修身何患不榮輅之言曰持酒以禮持才以愚何患之有
蓋進退綽綽合乎君子所守特以不竟其用沈湎下位而布著
孟覆鳥鳴風雨畧相仿似奈何目以滑稽推步之士哉索統曰
攻乎異端戒在害已無爲多事多事多患然則如二君者庶幾

稱焉

侍中郎漫十季執戟顙顙獨偃偃寶鼎歌成通天臺就國家靈
祚遐昌一樣是雕尻股腳拌不爲王佐僂爲倡目若縣珠口如
編貝割肉何傷 幾度浮沮下瀨有蚩尤旗起父子淒涼懷艸
何靈看花多淚茂陵總帶秋霜莫埒會神仙遊戲只此生差幸
避張湯所譬黷齕襲狗誰拙誰彊

右東方朔

溯伊人最藏忠養智幽驗遠通神讀易初闢投箸自喜閒窗文
孔奇文百季中三光五曜總鳥鳴風應可同羣兌是罍車坎爲
棺椁坐芻空頻 未得行季五十也哀吟惆悵女嫁男婚槿豔
何常漚珠不久可憐煙景休論僂郭璞京房不免凡洞林飛僂
足妖身邈絕蠶蠓識變千載推君

右管輅

沁園春

蔣子宣刻 國朝詞垂念鄙作時檢蔣文恪公遺札感
事攄情并呈故舊云爾

少好爲詞壯不能工學步循牆有中書麻尾親勞相國朱門文
壁重感賢王挾瑟何曾吹竽未敢山下蛭蟲聲最長閒風月將
自然歌詠報効虞唐 神明一粟形相實五色絲綸太乙光羨

公皆健婦諱持炊爨僕猶處姊不拜姑嫜俎豆江鹵蔣士銓星辰

甌北

趙翼

魯國男兒孰最彊孔繼涵頻珍藉臣青襟錦帶啟導夷揚

晉書八王傳

維晉鬱興宣武子孫誰其令終有月書同姓短青能制黃橋匡
合小白何功馬障流蘇人持布袍枉煞當季亂翦桐分恩怨是
一般詔旨落葉飛蓬 朝猶袞舄如龍已算枉刀礮烙火中聽
騶虞幡下煩冤唧唧金墉城底苦霧濛濛五十餘季東南將亂

拊背遺言尚可蹤
閒根究只景元甘露那最英雄

笛家

陳用之同游宏濟寺感歎九季
角與韓伯慧宋舜音來
此伯慧今歸道山五季矣

沙白山青艸熏花暝東風輕
便把人吹入江頭寺隔江遙認一
樹娑羅清虛館榭華嚴彈指故國樓船舊京涼月點點閒鷗市
數季光惜過侶卻少好懷爾爾試記我生行邁何如艸木自
解逢春不慣江天可憐隕涕幾處一度登臨難了一度斷魂如
此酒壚之角奈何青鬢已見韓康外乞明日馬當風送汝紙錢
春水

竹葉庵文集卷三十二

詞八

吳縣 張埴 商言

林屋詞六

浣溪紗

家藏宋揭汝南宮主墓銘用代瘞池割聾字爲殷革二字陳奭修跋此引蘭亭壓縫僧字作曾不知老之將至爲喻予戲謂尚未帖切復爲顛其左方

古墨黝香賽永和細腰長腳可抄摩誰教剗斷玉山禾 勢作

兩開應似此鴿分三截更如何劉蒼鄧后且由它

冷齋夜語洪駒父云欬乃一聲山水

緣本是勢韻入誤分爲二字清異錄南唐王建封不識文義族子有勳植疏俾吏錄之其載鴿事謬分一字爲三變而爲人日鳥矣建封信之人日開筵必進此味北堂書鈔引司馬彪續漢書劉蒼以楊帝初首欲令重臣居禁內以東觀記校之劉蒼當作鄧太后乃以三字誤成二字

病夜

海國西風未肯降
病餘獨夜對銀釭
鄰雞高下不同腔
舊事繁華思乙乙
中季悲感淚雙雙
魂隨楓葉墮吳江

一落索

秋圃一種名老少季者

小圃秋容如繡
一枝霜後將花作

去聲

葉葉爲花也算花名否

且伴茱萸對酒鎮長季
壽朝來潘鬢二毛多
休道我渾衰醜

朝中措

和陳其季客中雜憶詞八首
與其季同者香膽餅二種而已

憶竹

孤生冉冉已分叢
行筍破苔封
莫遣長鑱刷取有
朝蒼籜成龍
煩伊報个平安信
怎地不相逢
記得去季攜手此君也
在牆

東

憶薔薇

太夫人手自易葦花時常褒回其下

輕紅小暈午晴交曲幔藥欄幼常與北堂銷恨願花開到千遭
一枝承露一枝漬蜜四面垂條約爾明季三月酒餅挂花梢

憶藏畫

黃荃翎鳥趙昌花絹素各橫斜不道千金墨妙瑤光落任予家
謂宋徽宗畫鷹先人遺愛周遭四角印記如麻太息烏衣子弟季季流

寓天涯

憶香

子每咲語樂安細君曰君匳中可謂香國蓋其父母家富貴先世所分沈水之屬不下數百斤亦吳中盛事也樂安以後藏者不多矣

瓷青臥閣記玲瓏拾取鏡匳中最好試香時候黃昏有月無風
返魂誰與傳消息化作彩雲空分付後人熱此看他心字重

重

憶膽餅

家兄最嗜餅花故貯花之器獨多取枇杷枸杞野果入供更清絕也

阿兄廟市蕭接羅位置到吟窩好款瓷憐粉定薄胎銅取宣和
枇杷初熟枸杞將老清供婆婆婆今又三季隴右寢中春艸如
何

憶犀盞子

南樓風月最銷魂不醉肯空尊乍午魚籃上市初晴花擔敲門
愛他黑暗雷文篆或刻古梅根屬付多涂崖蜜酒迭相見重
論

憶玉簪

故人已往北邙隈釵燕未成灰鐫个茗華小字算他羊祜遺碑
有情如此燕生不免度置休悲白雁黃花斷續續車金鴛裘

回

憶古錢

錯刀銖兩漫紛紜銅穴起風塵偶與摩挲顛倒滄桑十二時辰
而今門巷鍛錢時候北里南隣問訊沈郎歸未橋頭賣卜何
人

少季游

角次平望

晚墟驅犢下東皋平遠沒溪橋樹裏鳴榔煙中下斲春水長魚
苗 檣頭船戶皆兄弟風月易招邀夜市竿鐙茶壚僧屋人賣
薄荷饒

木蘭花

投宿長白山下山上有寺是范文正公畫齋處

一程程催野宿長白山
秋樹綠秋樹裏晚炊煙
山下溪聲山上屋
向荒廚親畫鬢好景書堂
顚首宿貧賤日樂何如人羨
它年車與服

浪淘沙

奉跋先大父樂天雅集卷子

名士采蘭天
轆轤高軒洛中諸老盡
華顛天放祥麟威鳳好璧
月瓊箋
伐鼓殷闐闐送酒如泉
太平奪過永和年
如此江山如此會
國史應編

擣衣

此是可憐聲
擣素空庭鑪煙夕照不傳情
只有寒砧三四點
千里能聽
有客赤烏城
單絞從橫下階幾徧思
騰騰添个莎雞
添个雁魄降魂升

鷓鴣天

咏綠燭題馮令

履謙

悼亡詩後四首時子畧婦蔣孺人

故情見乎辭

一脰書燈薜荔牆照來奇字似螢囊玉蟲借得青藜冷火鳳銜
將綠綬長吟翡翠惜中央看朱成碧漫分行兩鰥淚眼模糊
甚無數寒燐亂北邙

曲曲屏山六扇塘一枝綠玉噴寒芒祝融隊裏蒼龍御太乙班
中碧柰香雲漠漠露瀼瀼長明燈懺轉輪王佳人便似當風
燭紙閣蘆簾哭孟光

生外舍情夜未央金鑪盡燭耐思量明疑碧玉搔頭化暗似青
楓樹底藏頻手識篝堂涼仙音何以贈同昌銅槃貯淚三更
後瑟瑟拋殘飲恨長

細雨黃昏賦悼亡安仁好句執相當鑑如綠豆非人境火種青蓮入道場因白髮感馮郎八季兩度問稠桑金鷄不是團欒歲空許良媒乞酒漿

馮兩娶俱八季而娶於西亦一奇也朝野僉載歲在申酉乞漿得酒時有爲馮蹇修者故云

樓上曲

寓居壽光縣擬少陵七歌七首

海尉之果昏欲外一枝楓栢中原紫南國不貽尺素書夷猶獨立將何如走狗鬪雞今不在我思古人兮千載嗚呼乍發一歌雄螭蛇含霧嶼回風

有母白頭頭似雪綫長游子衣中結游子胡爲遠北堂兩季不見心徬徨一片風帆潮與汝母曰嗟予季行役嗚呼聽我二歌悲誰能寸艸答春暉

我有阿兄居隴上微官寧算千夫長聞說桃林有算笳潼關四

扇天之涯 花萼樓角花幾辨嗚呼三歌歌聲慢秋風夜夜鵲
鴿寒相思拉雜陷心肝

有妹隨夫陽曲令掉頭長往江湖性今日東吳趁算潮荷衣芰
佩山之椒 訪母闔閭城下路如聞申申置予語長松短鞠不
歸來嗚呼歌是四歌哀

有子已過十餘歲婦亡常衰同牀睡教與唐詩仔細吟居然笙
磬同其音 昨歲添丁頭目好人言丈夫憐其少嗚呼歷歷五
歌長一雛有母一無孃

二十鬢宮爲弟子孝廉三十書名字明歲且爲官學師頭銜咲
倒吳中兒 儕輩弟兄皆館閣子雲相如不同作無才合是蚤
歸休嗚呼淒緊六歌適

有友二人云蔣

士趙翼

一人先已歸田早曾有一人約耦耕青

山之計何時成 斯養質傭原盡假短衣挽弓南山下誰教侗
僚畧其天嗚呼終此七歌焉

臨江仙

海上生明月

有客好蜻游海上我游海上何緣可憐徐福已千季海神雖醜
我亦不嬋娟 夜夜海風吹不了吹來海月檐角與龍同裛一
珠暝滄波如畫不信不神仙

飲李將軍荷亭

我到赤闌亭上坐秋風正滿殘荷漫嫌無事不蹉跎養成蓮子
也賽得花過 喜是將軍不好武詩才競病如何歡娛且與試
栢螺園林鎗火夜夜醉人多

再題李將軍荷亭

數折曲闌依坐檻女牆一帶空靈鉤輞時得野禽聲看雲秋水
岸采藕夕陽亭 曾接盤山處士令叔李鐸札此君五字長城而今
重感少微星直須尋樂事何必愛浮名

蜨戀花

黃岡

培塿黃岡聊小住裂石穿雲雲氣生平礎邨內斜陽邨外雨雨
晴總看雲來去 東望便爲華不注十載肯游記是劉郎路白
髮門生心事苦醉翁已矣其千古謂檜門先生

散天花

火箸

鑪黼陰陽胎息浮灰中常畫字似龍蛇同與同起範金畱條條
鑲鐵幹肯如鉤 應信能無炙手謀添薪添不得也須抽松風

還我鹿皮裘一時多放下芋棧不

西施

西施舌

五湖消息水雲封結網興偏濃采蓮歌斷又得粲花逢海岸殘
霞尚帶燕支氣與吞吐長空我家便數張儀舌應不及汝玲瓏
齧脣較美管甚霸圖終下箸思量有個人嘗膽也孤負春風

華胥引

小除夕同趙生出游城西訪鐵佛寺寺有鐵佛盈丈餘
又唐人碑一通是朝議郎行麟臺郎掌太后御集樂安
任知古爲比丘尼奉孝藏經於寺所撰

琅邪臺下天海雙高竈堆斤鹵不道邨頭紅紅紫紫門牕處也
擁春罌茅柴有臘香微度方覺淒然不歸歸已遲暮荒寺龜

跌問何人字顓郎署薛紋叢亂未拌裁爲斷礎只恐他年鑑黼
與鐵人同估金石生涯一般成了塵土

離別難

鈔白氏長慶集

海上我欲栖栖秋窗日課誰宐白家長慶集喜其無艱涩自家
門內語自家知黃葉下涼風罇畫睂聲裏喚鈔詩 常怪汝頽
唐處應少刪黃茅白葦中間不是眞筋節肯使多層折可增損
卽叢殘白氏長篇意少辭繁此其病也聊點勘平聲之三去聲非偷格律爲消閒

露華

枸杞

數叢海岸似韎韞月砂未有人見夜夜月明空吠根頭靈犬可
憐尤本芝苗不入藥籃方案神仙少眞君諫中冷落青蔓江

南十月霜淺記古寺花壇壇下親塲半是訪僧煨芋弟兄消遣

此日石曰雲牀煨火一林孤雁頻問訊甘州近來可賤

清冷眞君外設枸杞

爲三青蔓里中大宏寺枸杞繁盛去吾家最近霜中雪裏兄弟游賞其地僧雛應門往往終日自家兄入秦子亦稀至矣

滿江紅

禹城縣黑風口二首

有序

乾隆三十一年七月予有閭邱之役二十七日達禹城縣時潛
渠大洩數百里內野水瀾漫墟落屢一隄可通而姦民因緣爲
利斷其隄或二三丈以困行旅禹城令遣二吏護視予行及黑
風口日已暮吏潛遁去既進退靡騁遂與王舍人兄弟露宿林
際水鳥衝波闌無人煙羣馬仰秣而嘶天水如墨先是礮車雪
起於東北舍人呼曰雨至矣夜將半疾雷動地長風拔木雨虓
渾流暴立孤隄岌岌當巨壑之衝去水無二三寸人畜漂沒屢

而得免初曉雨霽顧視臺從無不色如灰者管子之言曰天主正地主平人主安靜今人有舍其安常處順之地顛倒愛惡蔑視忠信而天苗物患亦因而乘之驚魂噩廢之餘夫亦可以類推矣乃紀其歲月并示舍人兄弟

日下崦嵫是役也黑風之口初不料洪流衣帶在甫在後猾吏

棄子如敝屣空林蕪店其辻手漸青蘋浙瀝半昏零星沈斗

便作

去聲

得車中婦作

去聲

不得壺中客已屏翳

平聲

陣列豐隆疾走

萬里乾坤皆動盪一隄人畜誰季壽彼千金之子不垂堂君何

否

不道今番播弄得命如一葉原眉識百季軀殼細於蠓蟻水火飢寒生肘下風雷怪變連睂睫只區區著腳托孤隄孤隄齧蕪鎮水神州鐵無濟我滄江楫便薤歌相鄉爲誰洩絕殺氣千

尋遺劫在晴光一縷殘魂接喜岸塗青艸值黃金贏先吃

六么令

鄙人行役訪妹晉陽於時霜下雁邱雪飛馬陵地主假
長筵以娛賓闔中出方物爲賭勝所謂聚物之大美以
養吾之老饕件記其品貽諸好事四首

葡萄天馬古說龍沙下吾朝版圖全盛雪嶺中原跨只此區
區瓜蔓萬丈燉煌挂憐渠無價霜風驛路貢使年年渡清灞
同是饈中百子嫩比鰕黃醅一種清冷鮮香十日肝腸罅想見
羌兒挽髻羣牧秋屯夜瓜田閒語十年岸事數萬王師索倫
怕

右哈密瓜滋書地理志燉煌古瓜州地生美瓜以道里計之卽哈密種也

山中莊戶一目張羅佇縛來百錢能買月味和朱鉅尙帶嵐光
青翠深得花襟羽鍊珍應數調停食憲細擘霜肪以爲脯聞

說山雞各別豈是陳倉侶除使黃雀披綿莫可同尊俎一帶汾
河冷雁叫斷三關礎醉中無語小人有母籠寄東吳倩誰去石
雞三秦記陳倉山上有石雞與山雞各別

鯉魚風緊十月嵐州信岸頭石花溪處撥刺初成陣昨夜官符
已下促取千頭進玲瓏能認水晶隊裏炯炯月砂目光暈應
偃摩刀霍霍波及予饒吻最好肥膩中間不失江湖韻卻歎千
銖一網人爲波濤困何如隨分沙邊嶼外看釣雙鯪二三寸石
花魚魚產保德州古嵐州地

銷金羔酒風味同時候迺教二而爲一有不銷魂否最愛瓷盛
象膽蠟印斜封口晶栢初鯢憐伊一色似蜜非餳也無有
夜瓊瑜小閣寶燄蒸鑪獸屬付文火迴旋莫遣餅笙吼只恐人
閒錯擬桑落襄陵醜傷心孤負故園此日也釀梅花過三九羊

羔酒王元美曰取太原酒初熟者羊羔劑半嘗之寫水晶栢不復辨色徐文長集中酒三品桑落襄陵羊羔價并不遠

水調歌頭

會獵

霜下弓刀白小隊會南城江山蕭颯爾許落葉打旗旌我有裨
褱能著又有騅驪齧一點挂朱纓霹靂下長坂人獸各從橫
忽風毛和雨血灑空冥韓盧未掣錦韉已下海東青一擊絕
無不中殺賊長能如此河朔可功名歸炙黃虀脯捫乳列千餅

念奴嬌

結筏

道中被水無有舟楫結筏以濟無筏則浮體云

波濤曾慣問吾家故事乘槎天上此日咲爲溝裏瘠斷梗枝撐
浮漾衰瓠護音生涯渡蘆身屯欠个桃根槩粗粗編就量來全未
盈丈太息禾黍千叢原田萬畝都作東風港儂住江南臨水

閣少見這般鳥榜敗柳承蠅殘荷受露似俯而如仰庶人商伯
蹇難今盡游狀

易林水淡無桴蹇難何游商伯失利庶人愁憂

浮讐

請君入讐算命輕如鮓無乎不可放到中流煙水闊比似蝸牛
全个壺裏蓬瀛桶中季壽原是浮漚顚先生拍手可知非讐非
我何當滿貯醇醪裸身被髮千載其中坐三月蘭亭多曲水
差較流觴寬大瓦以爲衣資將作枕嫌汝彭亨麼粲然一笑莫
教今日撞破

珍珠簾

白溝河

昔宋遼分界洲聖渡此張叔夜於節處

白溝河畔瀾瀾處響西風嗚咽季季如許鎧火暗焚樓且送君
南浦日歟晚霞金在界那保得青城人去休去怕馬角重生野

花迷渡 寧算天塹長江但離來尺寸便非吾土外也傷中原
近祖宗邱墓重耳此人其尚在又很把旌旗畱住欲住痛孤負
諸君不黃龍府

消息

雁門關

立馬中原百季幾度雁門關上上有沙陀劒鎡句注下有滹沱
漲當時呼嘯沙蟲猿鶴猶在碧空中響指金瘡功名李源郭崇
一點土花搖漾 石郎可咲關門而北一十六州無長臥榻之
肯他人鼾睡噉飯將何望風流何似遠公屯外小市特傳新樣
且聞來圖經檢點戍樓冷曠

入蜀記東西二林之間有小市曰雁門市傳者以遠公雁門人老懷故鄉遂鬻髮雁門邑里作此市

漢作新豐之比也

六州歌頭

王猛墓

苻堅何物識此劍中人應天授非人力咲桓溫界疆秦用呂婆
樓薦斬樊世疎席寶傳之寢姜之兆屬將軍攝印登壇不道如
魚水有此君臣看鮮卑爾許如蝨不堪捫叱咤風雲指乾坤
總非其運非其主中原事一悲君淝水敗關中陷洛陽奔亂如
樊倘公而猶在恐瓦解不云云辛苦處能圖畫不麒麟何似華
陰終老寧康有鬻畚遺民到野花土暈三四點青燐誰唱秋墳
傳嚴入寢姜公悟兆苻堅報猛語也

竹葉庵文集卷三十三

詞九

吳縣 張埴 商言

林屋詞七

江南春

桃花鵝唐解元墓

三月盡少聞鶯桃花同薄命遲倚墓碑明乾坤寥濶隨緣度只
不怠情都少卿

同口都穆也

浣溪紗

六里堰入漑浦二首

金粟山頭過壩船船頭擊汰水波圓夕陽樹樹柳嬋娟 先有
秋聲驚夜獺爲多涼雨少鳴蟬郭熙平遠兩三塵
避客應來住此中賣瓜人在竹西東谿痕略似曲屏風 牆闕

季季栖海燕梯頭處處捉桑蟲山城滋味自然濃

橫澤何學士邨居

爲愛秋容麗似霞趁心谿畔弄銀槎意無意處到山家
開讐
捉魚新上釣打門嘗酒半能賒桃源本不在天涯

查韞輝同季花谿垂釣圖

卵色天開尺鯉紅漾南漾北一邨通濠梁之樂樂何窮
淡淺
餌迎瓜蔓水有無綸動楫花風不勞射鴨竹枝弓

莊少彭同季招同王公符令姪似撰飲隄巢作

折簡傳鴈到夜釭秋風吹送影幢幢隔隣原似共書窗
饒朔
消搖花滿徑醉髭睥睨酒如江十分奇氣總難降

睂峯碧

願在睂而爲黛

因作妝樓記帶便修眉史樓外春山樓裏人辨不出誰椿翠
濃遜雲藍帔淡著膠青水全化輕塵上彩毫不教沈沈在鍾兒底
武陵春

戲以辛棄疾詞爲起句

去去來三百里十日以爲期若是遲歸半日兒酒榼便輸伊
暢好平湖能窈窕秧水綠如睂今夜南樓不睡時一樣有涼
颼

紅羅襖

願在衣而爲領

甲帳明光錦午夜辟塵簪有白采綠繒香先上領墨花添繡詩
富顯襟問相挈寒暄同任提攜能當美人心闕處有鸞尋引
領盼好會百千淡

庚肩吾啟幫飛合燕領關分鸞

鵲橋仙

丁亥七夕雨中

艸堂消夏侍兒酌酒如此涼花曲檻一天雲雨太微茫總只爲
女牛黠黯 洪荒甲子日邊富貴莫使帶圍寬減不能勘破小
恩情也便是仙人過犯

臨江仙

閏七月七夕

今歲黃楊真厄閏

齋甫黃楊一
枝蟲齧殆盡

秋光不礙扶疎牆欹牡蠣午晴初

曝衣花獻咲曬藥客繙書

故事荒唐成兩度飲牛牛渚何如

倒垂星濫入樓無水明黃葉岸雲淡美人圖

蘇幕遮

詠白芍藥

玉玲幄香罽歷十里花邨去向豐臺摘臺下女兒多白晳太息
春光自此難尋覓 膽餅瓷花乳滴婪尾栢閒獨弄離亭笛紅
到櫻桃可以喫不可無君以洗山人壁

解珮令

江皋解珮圖

風雲西昃魚龍之宅采芙蓉江聲千尺北渚氤氲偶揆取美人
消息轉修壚自然的 珮中解得珍珠一粒奉君懷明余貞
白世外飛瓊恐不是人間妃匹隱滄波半雙翠鳥

鳳皇閣

戊子歲朝試筆

喜當陽圖錄乾坤高厚太平安樂到雞狗應是天人感召歲占
三有祝堂上梅花壓酒 芳筵長楹菜把青青已穀佛香淡處

徵睂壽

時老母持齋

積刺盈門只荅數家耆舊吉利字顯來軒牖

阜羅特髻

願在髮而爲澤

黝光可鑑綰新樣靈蛇十分梳掠一鑪鵲尾祀雁娘妝閣芳華
好李家妹子刷雲鬟小露金釵腳不教太素綴折枝綰萼聞
說女爲悅已肯飛蓬難縛奉君以髮膏一合此心是細潤防枯
灼上頭有信作並頭盟約

齊神曰雁娘蔡邕女訓澤髮則思其心之潤也

勸金船

七月晦日出游飲盤門斗壇登瑞光塔絕頂自開元寺

至靈隱寺弔廣文長老

星壇花雨朱扉闔歎客煩招納山廚便供伊蒲楹看鮮蕩初招
佛火幽靚小醉一林殘衲何處夕陽原上又盡層塔金銀寶

氣飛纖鷁四面招提夾須憐舍利今無匣感寂寥僧臘隱見優
曇暗送野風香雜興擬記游蕭寺埽壁書押

滿江紅

京口晚霧渡江

漢賊難除可惜了獬兒蠹妹若說到南朝半壁不成子弟已有
神孫傳大統又勞叔父分王氣總江潮起落忒無情興亡易
吹不盡江花蒨辨不出江樓寺況霧中病眼金鰓莫試樹遠佛
狸春雨外人來瓜步殘燈裏問隔江誰唱後庭多商船淚

徵招

瓜子詞同朱適庭隱君王蘭泉舍人曹來殷庶常作
黃臺之下離離好秋聲入於元骨撲棗晒東隣又傳柑偏遠宣
瓷圓砌轉記同坐鏡匳斜畔茗會緡書剝來人樣碎金零亂

渾似采桑歸聰明處語謎推敲能辨故種近如何作荒墳遺辨
應知泉壤便且希與嬌兒相見爲淒絕鬻豆莊門嬾自今張宴
拾遺記明帝后崩內侍見鏡匣中有瓜桃之核甬人詩瓜子剗關人字樣瓜子金見宋史趙普
傳衝波傳孔子不能穿九曲珠使回賜返問采桑之女其家謬言女出外以瓜獻二子子貢曰
瓜子在內也女乃出語云云故相瓜種見劉長卿詩序謝惠連祭古剝文瓜瓣浮出不甚爛
隋書秀上表曰只恐長辭明世永歸泉壤希與瓜子相見瓜子秀愛子名也東坡云坐莊門吃
瓜子鬻豆清異錄錢氏子弟取一瓜各言子之的數負者張宴二兒孝威之甥樂安君傷之特
甚故借用秀事也此詞原本刻瓷青館悼亡集中後入京師見諸君皆以攜拾事實誇多子
戲理履笥復寶易用詞數十字仍祖悼挽之意存之後見孔誦孟孝廉斯水詞出亦有和作徵
引益僻蓋俱厭忌重複爭勝富有矣

翠樓吟

游鷹窠頂雲岫菴下山飲吳氏祠堂

赤鹵浮空滄洲束峽越山隔岸都到松杉臨石脊恐千尺雲厓
吹倒僧堂樓竈在一氣青青星辰之杪人呼嘯磴無梯級直騎
師豹窈窕何處笙簧是竹邊泉竇冷香能飽勝游行撒手借
高閣清尊歡咲籠鐙歸蚤賸野水平田山花隨轎披襟好夜來

清癯海天壺嶠

玉燭新

園中藏高士奇貢墨數丸題歎曰 淵鑑齋評選古文

墨是時

仁廟方選古文故有此進也

元霜千杵美仿上蔡輕煙竹山奇製昔季土貢羅千餅進入蓬萊宮裏黃門小語是好事高家詹事看乙夜雲爛中天多少上牀常侍 應驚墨海龍蛇正

聖人清晏校讎文字汗青滿匱誰能測一滴金壺涯淚蒼梧尺咫似斷落珊瑚無幾消受他藜火光華猶然映紙

竹山奇製上蔡輕煙溫庭筠謝集賢

墨歌

合歡帶

願在裳而爲帶

珠簾初卷瞳矓細腰似楚王宮幅幅畱仙新樣好東周遭半緊
微鬆閒時搓徧同心結子雙綰交通小流蘇裛箏依膝幾番纏
亂東風 此生能傷下裳紅說蒲裙漫惺忪弄水船頭頻裏鴨
浣紗天獨立空濛年來多恨除非寶帶將化長虹到黃昏這般
寬減也防吹上九疑峯

飛雪滿羣山

鹿皮裘

射鹿山頭披裘牆角本來野服蒙茸誰人五月端居巖壑性情
今古難同喜清時無隱幾戚友貂加侍中不才應得歌詠太平
持曝謝天公 人便說黃綿新襖好千金之貉不廢裁縫平生
自咲麒麟圖畫暫輸與鹿皮翁訪梅花開未梅花在溪橋路東

行行側帽東南積雪兩三峯

蘆花簾

枯岸秋聲刪除根節織簾居士無差也閒何限流蘇寶鬢算來
那得長遮不如編綴得向安穩團瓢自誇有心穿插中央四角
清氣一團花 曾記取扁舟江上去已白頭飛絮吹滿天涯歲
寒依舊歲華更疊相陪紙帳霜華向陽圭竇好在雲母屏中佳
家隔簾推看關山凍客愁似麻

冰豆腐

仁廟恬熙吳中耆舊會因豆腐名傳

彭訪濂九
展成諸公

百季佳話貧家故

事肯煩水陸開筵朔風吹不了辟承露金盤味鮮自畱餘嫩蠶
窠變化穿穴到中邊 君不見蟠胷冰雪在配斷壘煨芋清癯
初圓屏除炎熱猪肝一片近今不到門前是人之與物總無過

膏油自煎弱而彊
倉何曾下箸
贏萬錢

浣溪紗

賦得牛飯就松涼

最有涼風土闕頭
松花落盡子成球
便應裛犢養丹邱
壽者精神孫綽樹
蠻而娥媚戴嵩牛
茅亭候到月如鉤

春風嫵娜

九九消寒圖

問梅花閒架五瓣
相當看點筆仿華光爲圈來八十一圈而止
不成花處單瓣何妨好配橫斜應防枯淡小盞燕支猩血彊睡
起紅闌獨無事消寒清課日初長
因歎人閒甲子金烏玉兔
送人老極是淒涼春風急鷓鴣忙松亭避暑秋又銀潢太上無
由得貽真誥美人何處可贈元霜圖中消息是先天之易分陰

足惜圈處思量

寶鼎現

送竈

豆萁松栢此夕何夕煙霏霞起思億萬釧童驕女闌塞天門難
敢閉惡作劇又糟涂門投多帶些些殘醉恐奏答人間諱惡未
必條條能記下土臣有茹蕘議惟神之聽之無罪神所掌無
過廚廐雞跖熊蹯司五味亦頗見有金貂筵會私語程之與李
彼所語饌餉不辨況礙笙歌鼎沸所慣常聞夫與婦商量柴
米也盈虛肯定難許黃金徧賜此去不用彈章屬蚤得歸來未
討利市多壓青銅母負名香淨水

浣溪紗

寓齋感興

睡後尋蛇吾費猜
飢中廢飯自爲媒
山貲暮歲晉平該
一枕雞蟲閒班界
三餐鮭菜小輪回
何如優孟共喧豗

鷓鴣天

發稠桑驛

山後山前雞亂鳴
艸頭有露似珠明
黃河欲上中條頂
殘月猶懸靈寶城
吹笳斷石樓橫道
旁古埃閱浮生
今朝重過稠桑驛
七載糟糠感舊情

念奴嬌

次偃師縣

陰陰夕路問道旁
逆旅誰譚元者入洛才
華空歎息略似鬼謀
於社膏以終煎
蘭寧永馥鶴唳傷心
語生不五鼎外而五鼎何
也何如有祝雞翁
亮風千載賃屋戶鄉下
隣曲忘機差自樂

豈在神仙聲價物累無涯吾生有限智士知真假龍雲蛇霧不然將爲人鮮

西平樂

潼關懷古

聞說麒麟誰人第一防將母學哥舒天控雲中地連褒谷千季形勝何如歎自昔胡旋遮眼兵過黃河未反麟麟鐵騎桃林寨下相呼還問三郎爾日關四扇可以不開乎 太平行樂華清彩仗一路花枝宮輦香爐常道是天山有箭青海無波那用明朝諫疏沈醉球場丞相諸姨盡可扶須識此時知爭地利先失人和外侮能消內變將生其真恃此關夫

西子妝

驪山溫泉

雲麗瑤臺花明水殿舊癡香奩脂盞承恩曾有壽王妃道家妝
可憐新浴羅裙解束裏不住春魂九曲歛嬌躬慣背人微笑雙
條宮燭 歡娛速不道繁華閱盡山腰屋季季嗚咽似流泉漱
溪聲珮環空谷溝橋斷續看畦菜東風一簇劇淒涼歲晚虛堂
夜宿

燕歸梁

華陰除夕

太華峰邊爲小畱爆竹聲稠明星玉女對簾鉤他鄉客思悠悠
將攜謝朓驚人句凌西極御風游墮驢一咲不如休且自起
理鐙篝

浣溪紗

瓜洲樓上

瓜步晴空岸欲浮誰家綽約弄珠游小蜻蜓立蓼花頭名士
渡江常惜別美人無恨亦登樓風裳水珮總悠悠

高郵雨泊

北固晴嵐夜若何朝來雨腳響篷窩水窗殘燭爲蹉跎五月
江聲蝦菜賤十季心事酒旗多不如穩計臥漁簑

滿江紅

嚴先生釣臺

如此江山空位置秋林一舸況一帶畫眉聲裏天青雲破梅氏
不容無此壻劉家尚是非其佐看中安百尺釣臺高先生坐
天下悅當人賀要領絕防人禍算羊裘五月不如高臥臣子豈
嫌諫議小君王自說金吾大只星辰多事露人閒明於火

水碓

力在於輪其橫齒多安於軸齒著於杵頭柄版乃相撞觸雨霽
松亭香糯白雲生石臼秋江綠界鱗鱗沙磧長風煙疑魚腹
花欲咲茶壚熟月上繩牀宿又晚涼收碓半明巖燭人事遷
流波浪急物情鬪巧機關促算不如濯足鄉滄浪斟醺醪

虞美人

孔莊谷農部示記珠軒聽雨詩書此爲答

初逢聽雨筠廊下彩筆分吟社再來聽雨坐紅欄相約讀經讀
史惜三餘 廿季舊事車輪轉題壁皆陳篆而今聽雨記珠軒
兩兩官身盡諾幾多番